

هاواني سرينلتماغا «پرو» كندليلىرىن ايتىكاري

پرو دا داغي رنگلهيىب آغاتماقلا هاواني سرينلهديلىر.

فرانسەنن تيوي 5 كاناليندان نقل اولان مركزي خبر واحيدينن گوزاريشينه گۆره، پرو اۆلكەسینده قوراقلىق و بوزلارين اريمەسي مال داوارين جانلارين تهديد ائليز. بئلهليكلە، چوبانلار داوارلاريندان موغايات اولماق اوچون داغلارين بير بۆلومون رنگلهديلىر. چوبانلارين بو ايشي فايдали اولوب چون كي داغلاري رنگلەنن منطقهده هاوا سرينلهيىب. پرولي چوبانلارين بيرى دئير: من اوشاق اولاندا داغلارين باشي قار و بوزونان دولو اولاردي اما ايندي داغ باشلاري تيره رنگدهديلىر (قارسيزديلىر). بو دگيشمەلرين نتيجهسي بو اولوب كي بو داغلارين گۆنتي اورتوسو ارادان گنديب و بو منطقهنن آداملاري كۇچماغا مجبور قاليلار. اما بو منطقه كاميل صورته بوشالماميشدان «ادواردو گلد» آديندا بيرى ايشە باشلايىب. بوزلار اريينده، تيره رنگده اولان داغلار ايسيني جانلارينا چكىرلر. بونا گۆرهده كي بو وضع قايتسين گرك داغلارين رنگي آغ اولسون. ادواردو گلد دئير: بيز آزمايش مرحلهسيندهيىق. بو يول اولاييلر باشاريلى اولسون اولاييلر شيكست يئك. اما لاب آزي بودور كي بيز بير ايش گۆرموش اولوروق. اما ايلكىن نتيجهلر بيزي هويوخدوردو. بعضي رنگلنميش منطقهلرده هاوانين دماسي اون ايكي درجه آزالدي. آري طرفدن، قايلارين آراسيندا تازادان بوز گۆروشور. پرولي چوبان آرتيرير: بيزيم بو منطقهده داها سويوموز يوخيدي اما داغلاري آغارداندا سونرا، منطقهده يئنهده سو آخماغا باشلادي. بئلهليكلە منطقهيه اومود قاييديب اما اينديهجن تكة اونبئش مين متر موربع يعني اوچ فوتبال مئيدانيجن داغ رنگلەنيب. ادواردو گلدون قصدي وار بئش يوز مين فوتبال مئيدانيجن رنگلەنسين. بو ايشين بير ميليارد بئش يوز ميليون دولار خرجي وار.